

東華續錄

嘉慶三十五

臣王先謙敬編

臣周潤著恭校

嘉慶十八年癸酉春正月庚午廓爾喀額爾德尼王吉爾巴納租塔畢噶爾瑪薩野遣使進貢方物○辛未調許兆椿爲吏部右侍郎以蔣予蒲爲工部左侍郎

由部酒遷

○乙亥以松筠爲御前大臣罷

軍機處行走命勒保軍機處行走○己卯諭軍機大臣等伯麟等

奏撤調邊外不法之土目張輔國抗違不來見督各土司集練會

勦一摺土司張輔國卽僧人銅金原係漢奸因其悔罪投誠免其

治罪並加恩給予土目戳記令其約束所屬猓夷無令滋事乃枯

惡不悛上年膽敢勾結猓匪搶占各土司地方肆行滋擾又復縱

令猓衆焚劫土司地方是該土目罪狀昭著斷難稍事姑容自應

聲罪致討以靖邊隅伯麟見已馳赴緬甯著卽在彼督率沿邊將弁嚴兵備禦以壯聲威其應給發該土司等銀兩火藥等項卽飭知道該府轉發接濟務期迅速殲擒以除頑梗各土司如將張輔國擊獲卽飭令解至內地伯麟審明後由驛速奏卽將張輔國明正典刑以彰國法○諭昨據張映漢奏遵照部文查明湖北彌補無著倉庫確數覈實辦理一摺所奏係屬誤會各直省倉庫錢糧本不應有虧缺前因各省有年遠遞虧或厯任各官身故無著者接任之員不能一時完繳諭令各督撫設法彌補每歲年終密奏一次以備查覈上年戶部奏請將各省欠款報部查覈此內如災緩錢漕及民間積欠原應分晰咨部部中覈其能否依限催徵奏明分別勸懲若倉庫虧空係萬不得已一時備宜密辦之事不可藉以爲例若部臣知有數目卽當照例參奏治罪勒追戶部原奏

未經分晰清楚各督撫若據此即將虧空數目按年報部以空言塞實該管州縣知係已經報部之款或心生推諉亦不上緊完交辦理轉多窒礙著傳諭查有虧空各省之督撫等嗣後仍遵照前旨將所屬虧空認真催追彌補並於新舊交代時徹底盤查每歲年終將彌補確數據實密奏俟奏報全完日朕仍分派大員前往確查如有短虧情弊惟該督撫藩司是問無庸照戶部所奏紛紛咨部徒以歲報具文於彌補之法轉致有名無實也○辛卯濬江蘇高郵寶應下游各河○壬辰諭蒙古王公等墳塋向無立碑之例丹巴多爾濟係舊蒙古自幼在內廷蒙養經朕擢至御前大臣一切差使謹慎奮勉著加恩准其建碑卽刊朕所降恩旨於前祭文於後前賞丹巴多爾濟銀二千兩托恩多爾濟盛京無須如許路費卽著將此項建碑以示朕體恤舊蒙古之至意

二月己亥朔諭百齡等奏請將新添海州揚州官兵俸餉等項案由商人捐辦無庸移改漕標左營一摺所奏斷不可行國家設兵衛民一切廉俸餉糈悉皆支用正帑直省營伍皆然從無令民間捐辦之事茲該督等以江南海州地方私販充斥時有械鬪拒捕之案揚州存城額兵亦不敷巡緝議於該二處增設官兵夫緝私禁暴皆保衛民生之事商亦民也亦復何所區別若謂商人等自願綱引出資雇巡丁屏禦梟販原例所不禁聽其自辦今既定制建營名爲額設官兵而令商人等捐給俸餉朝廷豈有此政體乎百齡阮元阿克當阿何陋見若此均著傳旨嚴行申飭仍交部議處汝三人俱係有才有爲之人今如此存心卑陋朕實不解至該二處如必須添設弁兵或漕標不能裁撥另於通省各營伍議撥均無不可卽江省無可改撥之處或將所增俸餉另行籌款動支

統俟妥議具奏到日再降諭旨○庚子 上御經筵○辛丑諭從前挑選八旗女子官員兵丁閒散之女均經一體挑選自嘉慶十一年曾經降旨令將自筆帖式驍騎校以上之女備選見在八旗滿洲蒙古女子自護軍領催以上女子仍照舊備選外其各項拜唐阿馬甲以下女子著不必備選著爲令○免年逾六十五歲之蒙古王公台吉來京如遇年班赴熱河瞻覲○壬寅諭本年京察屆期吏部開列在京各部院大臣及各省督撫名單請旨甄別朕思三載考績爲朝廷黜陟大典自當嚴計各臣上三年內功過以示激揚見在朝政肅清紀綱整飭大學士慶桂董誥勒保劉墉之協辦大學士松筠鄒炳泰戶部尚書托津內閣學士盧蔭溥或襄贊綸扉或趨承樞禁夙夜匪懈恪勤供職均著加恩交部議敘盛京禮部侍郎花尚阿本係棄瑕錄用之人此次任內又有失察邪

教及諱災不奏過失伊年逾七旬著以原品休致仍俱著照舊供職其直省總督巡撫此三年內均係循分供職無可甄敘之員亦無年老應行罷斥者俱著照舊供職○癸卯以誠安爲盛京禮部侍郎

由左副都御史遷

○甲辰以果齊斯歡爲內閣學士

由翰林院侍講學士遷

○

丁未命 皇次子釋奠 先師孔子○癸丑以山東微山湖淺命

引駱馬湖濟運○庚申諭軍機大臣等伯麟奏埽蕩賊巢及躡緝首惡招撫各寨情形一摺南興爲張輔國巢穴該逆恃險負固經各路目練奮勇圍攻縱火焚燒傷斃賊匪甚衆餘匪向後山逃逸張輔國乘夜滾巖潛遁見在各練占住南興山寨分頭接捕賊巢業已破毀匪衆無盤踞之地張輔國由山後老林遁匿諒亦不過在附近寨洞伯麟見將應撤兵練及時撤回責成各士司窮殲山谷著卽嚴行曉諭以張輔國係肆擾渠魁必應上緊拏獲明正刑

誅實令剋期擒獻庶可邊隅永靖○乙丑以佛住爲左副都御史

由大理寺卿遷○以朱紹曾爲太常寺卿調陳豫爲湖南布政使以袁秉

直爲江西布政使由太僕寺卿遷○以梁敦懷爲太僕寺卿李長森爲雲

南布政使山江南蘇松糧道遷

三月辛未轉成甯爲吏部左侍郎以文甯爲吏部右侍郎由內閣學士上

○轉秀甯爲禮部左侍郎以英和爲禮部右侍郎由內閣學士遷○甲戌

景敏卒以許兆椿爲貴州巡撫調戴鼎奎爲吏部右侍郎轉吳烜

爲兵部左侍郎以蘆蔭溥爲兵部右侍郎由內閣學士遷○轉茹葵爲工

部左侍郎以陳希曾爲工部右侍郎由內閣學士遷○以高杞爲刑部左

侍郎方受疇爲浙江巡撫調素納爲直隸布政使以巴哈布爲湖

北布政使楊懋恬爲江蘇按察使由安徽寧池太廣道遷○乙亥上親耕

藉田○丙子上啟鑾謁西陵○丁丑上幸南苑行圍○以

王紹蘭爲福建布政使調遇昌爲福建按察使

由甘肅調

○壬午免經

過地方額賦十分之三○癸未諭軍機大臣等百齡奏確勘仁義

禮三壩必須移建一摺前繪圖貼說朕詳加披閱當卽召見扈從

之軍機大臣及松筠指畫商酌山圩五壩爲宣洩洪湖盛漲保護

堰工而設康熙年間靳輔原議建仁義禮三壩乾隆十六年 皇

考高宗純皇帝特命添建智信兩壩迄今歷有年所地形水勢自

必斟酌盡善今該督等奏稱仁義禮三壩近年屢經開放衝跌壩

甚損壞刷成深塘難以修復卽修復亦難經久擬於蔣家壩以南

附近山岡之處移建仁義禮三壩並挑挖引河三道儘先改建仁

義兩壩將禮壩地基築作草壩以備本年宣洩計需費五十餘萬

兩等語仁義禮三壩旣不能就原處修復該督等斟酌情形奏請

移建但詳閱圖內舊壩之下所繪民莊相距甚遠見擬移建之處

界畫引河三道兩旁民莊鱗次則其間田畝廬墓自必繁庶所空引河淺狹水必泛溢若挑挖寬深恐所傷實多其舊有三壩既不開放則與堰隄無異必須填砌切實與石隄聯爲一體方足以資捍禦隄頂處所並應添建鋪房派駐弁兵防守方可保無疏失合計各項需費恐該督等所估銀數以之興辦尙不敷用事關謀始不可不詳細酌覈朕意或於蔣家壩地方先行改建一壩來年試爲啟放若水勢順利足以消滅盛漲並於附近田廬無傷再議續改二壩著該督等再行詳議是否可行並通計引河寬深丈尺若干另行籌度繪圖貼說具奏再降諭旨○丙戌 上謁 泰陵

泰東陵至 孝淑皇后陵奠酒回鑾○庚寅以黑龍江吉林遣犯衆多命嗣後俱發新疆○甲午 上閱健銳營兵○丙申 上還京師

夏四月戊戌朔伯麟奏張輔國就擒餘黨悉平○己亥以色克精

額阿隆阿王鼎吳璣俱爲內閣學士

色克精額由太常寺卿阿隆阿由二等侍衛王鼎由詹事

吳璣由光祿寺卿遷

○壬子諭春秋傳稱龍見而雩考古考祀權輿於此乾

隆七年議於孟夏龍見擇日行常雩禮其義以蒼龍宿見東方

則爲百穀祈膏雨占星之法總以節候爲準非以孟夏朔日爲斷

也比年欽天監所擇日期在立夏節前後不齊殊於古義未協嗣

後常雩大祀著欽天監定於立夏節後數日內蠲吉行禮其立

夏節如在三月以內則擇於四月初行禮著爲令其明年常雩

大祀則著欽天監查明如原定再立夏節以前卽改擇吉日奏准

頒行○甲寅上詣黑龍潭祈雨己未上詣天神壇祈

雨○庚申命五城設廠平糶○辛酉皇后行躬桑禮○命刑部

清釐庶獄○以書敏爲盛京兵部侍郎

由左副都御史遷

○癸亥以富俊

爲黑龍江將軍廉善爲盛京工部侍郎

山內閣學士

五月丁卯朔諭軍機大臣等百齡等奏遵旨議覆移建山旰仁義禮三壩一摺山旰仁義禮三壩近年疊經敗放跌塘過深計有三四丈不等勢難修復自不能不議改建將家壩地勢高亢偏近山根土性堅實壩基可期穩固新挑引河仍可歸舊壩引河宣洩於該處民居亦無妨礙著卽照所請改建本年先將義壩建石壩一座挑挖引河一道並將仁壩地基先行盤作草壩挑出引河以備宣洩盛漲所有趕作壩工務須於大汛前一律辦竣引河尤須挑挖寬深俾水勢無旁溢之處如本年節宣得力則三壩分年遞修可以永資保障至舊壩既不開放尤須填砌堅實該處爲歷年水勢所趨經行已熟且外有數丈深塘根柢不固必須夯硤結實使與石隄聯爲一體大汛時尤須多派弁兵不分晝夜住宿防護勿

稍疏懈是爲至要○庚午 上詣 黑龍潭祈雨○甲戌以

爲福建按察使

由山西雁平道遷

○庚辰 上詣

社稷壇祈雨○壬午

封未婚守志貞勒綿懃女爲節義縣主○戊子賜直隸輸貲助賑

廩生齊如鑲舉人○己丑以英綬爲內閣學士

由鑲領使遷

賡泰爲左

副都御史

由通政使遷

○辛卯截留江西漕米十萬石分賑直隸河南

山東旱災○壬辰雨○乙未復滿洲蒙古旗人屬武鄉會試例

六月丁酉命每年春秋致祭密雲縣

白龍潭神祠○甲辰申禁

宗室覺羅與漢人爲婚○乙巳增設直隸大沽營都司海口營守

備各一○丁未諭戶部具題更換左右翼監督已另行簡派矣數

日前文孚於召對時面奏伊管理左翼稅務僅三月有餘今屆更

換之期恐令其接管伊才短不能照料若俟題本後卽不能辭免

爲此先行密奏乞恩懇請免其接管等語疎闕非是人臣黽勉奉

公事無難易惟君所使若意在趨避遇事之稍涉煩難者卽豫爲
推卸設彼此相率效尤甚乖敬事之道此風斷不可長況密奏爲
公則可爲私不可文乎迹似小心實則瞻大文乎著交部加等議
處尋降四級調用○壬子以穆克登額爲刑部右侍郎

山副都
統選

癸丑以直隸順德等三府旱撥奉大倉米二十萬石截留湖廣漕
米五萬石備賑○乙卯諭朕敕幾餘暇披覽往籍見宋范祖禹所

著唐鑑一書臚敘一代事蹟考鏡得失其議論頗有裨於治道宋
平五代之亂近接有唐其政教風俗歷歷可稽故以唐爲殷鑒我
朝紹膺大統遙揆治法遠述自王至有明三百年時代相承其一
朝政治亦鑒觀得失之林也宜倣唐鑑體例輯爲明鑑一書臚舉
大綱蒐採編次具論斷卽令派出編纂諸臣輪流撰擬進呈後經
朕裁定勒爲成書刊刻頒行用昭法戒○庚申諭生員鮑廷博於

乾隆年間恭進書籍其藏書之知不足齋仰蒙 高宗純皇帝寵

以 詩章朕幾暇亦曾加題詠復曠浙江巡撫方受疇代進所刻

知不足齋叢書第二十六集鮑廷博年逾八旬好古績學老而不

倦著加恩賞給舉人俾其世衍書香廣刊祕籍亦藝林之盛事也

○詔晉昌身任伊犁將軍於邊疆務當鎮靜撫綏此次俄羅斯與

哈薩克白吉罕巴爾因交易爭論係外夷常有之事天朝本不必

過問且俄羅斯先在卡倫外四五十里居住一經卡倫官員諭令

遷移又退出六七十里之外其情形極爲恭順乃晉昌聞信後遽


派委協領哈芬布爾前往查辦哈芬布爾至彼輒於卡倫外安設帳房

摘傳俄羅斯安集延頭目爲之剖斷議令罕巴爾償還財物辦理

實屬舛誤晉昌才識拘隘不勝伊犁將軍之任部議降一級調用

因伊本有革職留任之案請旨革任晉昌著革去領侍衛內大臣

斥退伊犁將軍念其人尙不至廢棄已令降清字諭旨令其署理
正白旗漢軍都統晉昌俟新任將軍松筠到彼再行交代來京供
職仍將革職留任處分帶於新任哈芬布著照部議降四級調用
○癸亥准駐防子弟應各省文武鄉試自丙子科始○增設熱河
圍場卡倫及兵額



東華續錄

嘉慶三十六

臣王先謙敬編

臣周潤倫恭校

秋七月丙寅諭向來發往吉林黑龍江爲奴人犯多係免死減等情罪較重者分給兵丁爲奴原使之備嘗艱苦長受折磨乃兵丁不能養贍竟有聽其贖身自謀生理者殊乖立法懲奸之意見已嚴行飭禁惟是該兵丁每月所領錢糧僅足自贍身家令其參養遣犯多人適足以增苦累似不若改給該處官員爲奴伊等廉俸較優前約束亦易於爲力所有見在發黑龍江給披甲人爲奴之太監人數無多著卽全行改撥於黑龍江官員名下爲奴俾其役使管束無許再蹈贖身陋習如有故違者太監加重治罪該官員一併議處至該省發往人犯過多該處官員額缺有限亦恐不敷